



REPUBLIKA E SHQIPËRISË  
KOMISIONERI PËR TË DREJTËN E INFORMIMIT DHE MBROJTJEN E TË  
DHËNAVE PERSONALE

Nr. 491 Prot.

Tiranë, më 16/3 /2017

VENDIM

Nr. 50, datë 16/3 /2017

Në mbështetje të nenit 23 të Kushtetutës së Republikës së Shqipërisë, pikës 3 dhe 5 të nenit 24, të ligjit nr. 119/2014 "Për të drejtën e informimit", shkronjës a) të nenit 31/1 të ligjit nr.9887 datë 10.03.2008 "Për mbrojtjen e të dhënave personale" i ndryshuar, Komisioneri për të Drejtën e Informimit dhe Mbrojtjen e të Dhënave Personale,

V Ë R E N:

Ankuesi, Qendra "Res Publica", përfaqësuar nga Av. \_\_\_\_\_, në cilësinë e Drejtorit Ekzekutiv, ka depozituar pranë Zyrës së Komisionerit për të Drejtën e Informimit dhe Mbrojtjen e të Dhënave Personale (në vijim quajtur "Komisioneri") ankesën nr. 1326/1 Prot., datë 14.12.2016, ndaj Autoritetit Publik Bashkisë Tiranë, (në vijim quajtur "Autoriteti Publik"), me objekt "*Ankim ndaj refuzimit për dhënie informacioni dhe kopje të dokumenteve zyrtare*".

Ankuesi, me shkresat e datës 13.10.2016 ka depozituar pranë Autoritetit Publik kërkesën për informacion dhe dokumentacion si më poshtë:

*Në lidhje me shkresën nr. 208/16prot:*

- 1. Cilat janë shërbimet që autoriteti publik i jep publikut, përfshirë dhe standartet për cilësinë e shërbimit;*
- 2. Një përshkrim të thjeshtë të sistemit që përdor autoriteti publik për mbajtjen e dokumentacionit, të llojeve, formave të dokumenteve, si dhe të kategorive të informacionit që bëhet publik pa kërkesë;*
- 3. Cilat janë mekanizmat apo procedura, përmes së cilës personat e interesuar mund të paraqesin mendimet e tyre apo të ndikojnë në çfarëdo mënyre tjetër në hartimin e ligjeve, të politikave publike apo ushtrimin e funksioneve të autoritetit publik;*
- 4. Një përshkrim të kategorive dhe formave të ndihmës shoqërore, subvencioneve të dhëna nga autoriteti publik dhe të procedurave për t'i përfituar ato;*
- 5. Të dhëna për vendndodhjen e zyrave të autoritetit publik, orarin e punës, emrin dhe kontaktet e koordinatorit për të drejtën e informimit.*

*Në lidhje me shkresën nr. 209/16prot:*

- 1. Kopje të strukturës organizative;*
- 2. Të dhëna për arsimin, kualifikimet dhe pagat e funksionarëve, të cilët kanë detyrimin për deklarimin e pasurisë sipas ligjit;*
- 3. Kopje të strukturave të pagave për nëpunësit e tjerë;*
- 4. Kopje të Rregullores së Brendshme të institucionit.*

*Në lidhje me shkresën nr. 210/16prot:*

- 1. Kopje të planeve strategjike të punës;*
- 2. Kopje të buxhetit për vitin 2015-2016;*

3. *Kopje të planit të shpenzimeve për vitin financiar në vijim dhe për vitet e kaluara për periudhën 2014-2016;*
4. *Kopje të dokumenteve që përmbajnë tregues të performancës së autoritetit;*
5. *Cilat janë mekanizmat monitorues dhe të kontrollit që veprojnë mbi autoritetin publik;*
6. *Kopje të raporteve të auditimit nga Kontrolli i Lartë i Shtetit ose nga subjekte të tjera;*
7. *Informacion për procedurat e prokurimit apo procedurat konkurruese të koncesionit/partneritetit publik privat, përkatësisht, sipas parashikimeve të ligjit nr.9643, datë 20.12.2006, "Për prokurimin publik" dhe ligjit 125/2013, "Për koncesionet dhe partneritetin publik privat", që kryhen për llogari të autoritetit publik, duke përfshirë: listën e kontratave të lidhura; shumën e kontraktuar; palët kontraktuese dhe përshkrimin e shërbimeve apo mallrave të kontraktuara;*
8. *Cilat janë mekanizmat për zbatimin dhe monitorimin e kontratave, si dhe udhëzues e politika të ndryshme.*

*Në lidhje me shkresën nr. 211/16prot:*

1. *Sa është numri i kërkesave dhe përgjigjeve që i janë bërë autoritetit publik në kuadër të ligjit për të drejtën e informimit për vitin 2016 duke vendosur në dispozicion një kopje të të gjitha përgjigjeve që i është dhënë subjektit kërkuar;*
2. *Cilat janë informacionet dhe dokumentet që kërkohen më shpesh në institucionin tuaj.*

Autoriteti Publik i është përgjigjur kërkuarit me shkresën nr. 20811 Prot., datë 26.10.2016 duke i sqaruar se strukturat përkatëse pranë Autoritetit Publik kanë trajtuar kërkesat për informim dhe kanë konkluduar se informacioni i kërkuar gjendet i publikuar në faqen zyrtare të Autoritetit, si dhe ka vënë në dispozicion një pjesë të informacionit të kërkuar.

Me pretendimin se është cënuar në të drejtën për informim, ankuesi ka paraqitur ankimin nr.1326/1 datë 14.12.2016 pranë Komisionerit, duke i kërkuar ushtrimin e kompetencave që i njej ligji për rastet e refuzimit të dhënies së informacionit si dhe urdhërimin e Autoritetit Publik për dhënien e informacionit/dokumentacionit të kërkuar.

Referuar pretendimeve të ankuesit, informacioni i dhënë është i pjesshëm dhe nuk është vendosur në dispozicion dokumentacioni si më poshtë:

*Në lidhje me shkresën me nr.prot.209/16:*

- 1.*Të dhëna për arsimin, kualifikimet dhe pagat e funksionarëve, të cilët kanë detyrimin për deklarimin e pasurisë, sipas ligjit*
2. *Kopje të Rregullores së Brendshme të institucionit*

*Në lidhje me shkresën me nr.prot.210/16:*

1. *Kopje të planeve strategjike të punës;*
2. *Kopje të dokumenteve që përmbajnë tregues të performancës së autoritetit;*
- 3.*Cilat janë mekanizmat monitorues dhe të kontrollit që veprojnë mbi autoritetin publik;*
4. *Kopje të raporteve të auditimit nga Kontrolli i Lartë i Shtetit ose nga subjekte të tjera;*
- 5.*Informacion për procedurat e prokurimit apo procedurat konkurruese të koncesionit/partneritetit publik privat, përkatësisht, sipas parashikimeve të ligjit nr. 9643, datë 20.12.2006, "Për prokurimin publik", dhe të ligjit nr. 125/2013, "Për koncesionet dhe partneritetin publik privat", që kryhen për llogari të autoritetit publik, duke përfshirë: listën e kontratave të lidhura; shumën e kontraktuar; palët kontraktuese dhe përshkrimin e shërbimeve apo mallrave të kontraktuara;*

6. Cilat janë mekanizmat për zbatimin dhe monitorimin e kontratave, si dhe udhëzues e politika të ndryshme;

Pas shqyrtimit të ankesës, si dhe pas konsultimit të legjislacionit përkatës rezulton se, informacioni i kërkuar nga Qendra "Res Publica" është informacion publik, në kuptim të pikës 2, të nenit 2, të Ligjit nr.119/2014 "Për të drejtën e informimit", sipas së cilit "informacion publik" konsiderohet çdo e dhënë e regjistruar në çfarëdo lloj forme dhe formati, gjatë ushtrimit të funksionit publik pavarësisht nëse është përpiluar ose jo nga Autoriteti Publik".

Gjithashtu, informacioni i kërkuar bën pjesë në atë kategori informacioni që sipas nenit 7 të Ligjit nr. 119/2014 "Për të drejtën e informimit" duhet të bëhet publik pa kërkesë.

Theksojmë, se e drejta për t'u informuar është një prej të drejtave themelore të njeriut, e parashikuar në nenin 23 të Kushtetutës së Republikës së Shqipërisë. Kjo e drejtë duhet parë e lidhur ngushtë me parimin e transparencës dhe llogaridhënies, si një shtyllë tjetër themelore e shtetit të së drejtës. Funksionimi i tyre do të ishte në interesin e të dy palëve.

Për sa më lart, në lidhje me ankimin e Qendrës "Res Publica" ndaj Autoritetit Publik, Komisioneri vlerëson se ankimi është i bazuar në ligj dhe si i tillë ai duhet pranuar.

### PËR KËTO ARSYE

Bazuar në shkronjat b) dhe ç) të pikës 5 të nenit 24, nenit 25 të ligjit nr.119/2014 "Për të drejtën e informimit", shkronjën a) të pikës 1 të nenit 18 të ligjit nr. 49/2012 "Për organizimin dhe funksionimin e gjykatave administrative dhe gjykimin e mosmarrëveshjeve administrative",

### V E N D O S A:

1. Pranimin e ankimit të Qendrës "Res Publica", Nr. 1326/1 Prot., datë 14.12.2016, kundër Autoritetit Publik/ Bashkia Tiranë, me objekt "Ankim ndaj refuzimit për dhënie informacioni dhe kopje të dokumenteve zyrtare".
2. Urdhërimin e Autoritetit Publik "Bashkia Tiranë", për vënien në dispozicion të dokumentacionit të kërkuar (shkresa nr. 209/16 pikat 1, 2 dhe 210/16 Prot., pika 1, 2, 3, 4, 5 dhe 6, datë 13.10.2016) brenda datës 24.3.2017.
3. Kundër këtij vendimi palët kanë të drejtën e ankimit në Gjykatën Administrative Tiranë, brenda 45 ditëve nga marrja dijeni e këtij vendimi.
4. Ky vendim u dha sot në datë 16.3.2017.

